




GIG
CYMRU
NHS
WALES

Iechyd a Gofal
Digidol Cymru
Digital Health
and Care Wales




Cytundeb Rhannu Gwybodaeth
Bersonol Cymru
Wales Accord on the
Sharing of Personal Information

CYLCHLYTHYR WASPI

Croeso i gylchlythyr mis Mawrth.

Mae wedi bod yn gyfnod cyffrous a phrysur ac mae gwasanaeth WASPI wedi bod yn cwblhau ei adolygiad o gynigion y Cod Ymddygiad. Bu hefyd yn symud ymlaen gyda datblygu datrysiadau digidol i gefnogi sefydliadau i greu a chynnal Protocolau Rhannu Gwybodaeth yn y dyfodol.



AELOD COD YMDDYGIAD
CODE OF CONDUCT MEMBER

Cytundeb Rhannu Gwybodaeth
Bersonol Cymru
Wales Accord on the
Sharing of Personal Information

COD YMDDYGIAD CYTUNDEB RHANNU GWYBODAETH BERSONOL CYMRU (WASPI)

Yn dilyn ein cynigion a'n cais am farn ar gyfer fframwaith WASPI i fod yn gymwys i ddod yn God Ymddygiad cymeradwy gan Swyddfa'r Comisiynydd Gwybodaeth (ICO), mae'r adroddiad ar yr ymgynghoriad a gynhaliwyd bellach wedi'i gyhoeddi. Mae'r adroddiad [yma](#).

Diolch i bawb a roddodd adborth, mae hyn wedi ein cefnogi wrth

adolygu'r cynigion a sicrhau bod hyn yn cael ei lunio yn y ffordd orau bosibl i gefnogi pob sefydliad ar draws pob sector.

Byddwn yn awr yn dechrau cyfnod o ymgynghori â'r ICO ar y newidiadau a wnaed yn dilyn yr adborth a byddwn yn parhau i roi'r wybodaeth ddiweddaraf i chi wrth i'r gwaith hwn ddatblygu.

TEMPLEDI CYTUNDEB PROSESYDD DATA A CHYD-REOLWR WASPI

Yn dilyn adborth a dderbyniwyd gan randdeiliaid, mae Tîm WASPI a Blake Morgan LLP wedi gwneud rhai newidiadau i dempledi Cytundeb Prosesydd Data a Chyd-reolwr WASPI. Mae canllawiau sy'n gysylltiedig

â'r templedi yn cael eu cynhyrchu ar hyn o bryd gyda'r bwriad o'u cyhoeddi ochr yn ochr â'r templedi cyn hir. Cadwch lygad am ragor o wybodaeth yn ystod yr wythnosau nesaf.

FIDEOS WASPI

Mae cwpl o fideos byr yn hyrwyddo fframwaith WASPI ac yn nodi sut i greu Protocol Rhannu Gwybodaeth a'r mecanweithiau sicrwydd wedi'u datblygu. Mae'r rhain ar gael i'w gweld ar-lein ar hyn o bryd. Bydd fersiynau Cymraeg o bob fideo ar gael maes o law. Gellir dod o hyd i'r fideos [yma](#).


Byddem yn croesawu unrhyw adborth ar y ddau fideo cyntaf, ynghyd ag unrhyw syniadau ar gyfer fideos pellach y mae eich sefydliadau yn teimlo y gallent fod yn werthfawr. Cysylltwch â ni gydag unrhyw awgrymiadau neu adborth.

PORTH RHANNU GWYBODAETH

Rydym yn falch iawn o gadarnhau bod datblygiad y Porth Rhannu Gwybodaeth (ISG) a fydd yn gartref i swyddogaethau WASPI yn symud yn ei flaen.

Mae nifer o weithdai gyda nifer o sefydliadau peilot wedi'u cynnal, ac mae mewnbwn gwerthfawr yn cael ei ddarparu gan sefydliadau i gefnogi datblygiad swyddogaeth WASPI o fewn y Porth Rhannu Gwybodaeth.

Dros y misoedd nesaf, rhagwelir y bydd datblygiadau pellach yn cael eu gwneud i'r system ar ôl i'r gweithdai ddod i ben. Byddwn yn rhoi'r wybodaeth ddiweddaraf i randdeiliaid ar y cynnydd dros y misoedd nesaf.



Cytundeb Rhannu Gwybodaeth
Bersonol Cymru
Wales Accord on the
Sharing of Personal Information

CYSYLLTU Â NI

Am ragor o wybodaeth a chyngor ewch i'n gwefan neu cysylltwch â ni drwy e-bost.

Gwefan: www.waspi.org

E-bost: waspiservice@wales.nhs.uk